

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷九十六
內容分類 集 總集 各代 明

索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500


東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷九十六



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技





皇朝文獻卷之九十六

哀誄

彭百鍊哀辭有序

楊士奇

宣德五年

上憫江西之民困於奸吏豪民漁敘無厭也用 璽書遣使
 巡視除兇去弊以安善良使者以
 朝廷所建設縣之老人周悉民隱所至事必咨之而惟其言
 之聽不疑然是時老人非皆出於推擇善不善相半不善者
 把持譁訐為能事其善者亦且斂手避之而縣長吏鮮不受
 制於是奸豪吏民聞使者來惴惴懼旦夕且死暮夜走踣老
 人投重賄哀叩求活既內賄曰吾庇汝汝謹毋忘我而凡所
 對使者言其是非盡出於公公矣蓋所狂皆然使者至泰

和留旬浹治事竟將行矣時監察御史彭百鍊侍親家居親
喪有事於外適暮風雨大作馳騎過快閣下使者侍坐閣上
倉卒不及下避徑馳去使者遙望見之遣問知百鍊也明旦
使者去之萬安龍泉還止廬陵會有按察司官來聞使者言
百鍊馳馬不下遂趨泰和召縣之衆老人索百鍊屠鄉所作
愆過咸對無之至再三衆老人對如初惟一老於百鍊素有
憾貌欲有言乃悉出衆老之無言者而留欲言者導之言遂
撥拾其嘗買妾及田四事而其最妄者謂挾制縣官放免百
夫長溫彥琮得白金三十兩遂令書狀乃復進衆老之無言
者出狀而掩其前之半以後半空紙俾聯書姓名爲據蓋衆
老實未知狀所言何事也按察司官遂令衆老以夜伺百
而執之然猶未有固必意密戒云如其他出卽止勿執亦
泄言適百鍊治喪事出外一二老人欲得按察司官

百餘人夜走數十里外蹤跡掩執之百鍊平素負氣義侃侃
憫窮嫉邪遇事直發靡所顧避雖退處鄉鄙不變以是滋召
怨其居鄉時

朝廷造海舟令民夫採梳木泰和當出三百夫以富民三人
充百夫長率行傳著已定縣時惟丞治事孱弱不能制下奸
人及吏胥謀苟利益出縣帖復追鄉二百八十人皆爲百夫
長期一人得白金十數兩免之於是六鄉謹然大擾溫彥琮
者百鍊姻家素窶甚預焉計無措走告百鍊百鍊入縣庭索
其牘閱之其所追二百八十人不具按檢乃言於丞丞實未
嘗知也遂悉罷二百八十人不追擾者以定皆德百鍊而奸
人邪計不行愈益側目之矣百鍊旣被訐至庭下得覩老人

所具事狀曰果如老人言宜有告者今既無告者請及老人
面對就死不恨不聽遂械繫送詣使者轉送

京師凡使者所送詣京師非死罪皆發戍遠邊獨百鍊適遇
寬恤之令得內米贖罪罷其御史而命吏部改授官未及以
疾卒百鍊由進士爲御史其文學皆有所自得非尋常之爲
進士者可及其仕必欲行所學不肯媵媵翫惕其所歷兩淮
江浙廣東皆有政績見於其人稱道思慕未已也而聞居無
事乃遭罹若此豈其命歟然而獨霑寬恤之令將改授官矣
無幾竟卒信其命乎自百鍊被執泰和之人無貴賤賢愚來
京師道其事者凡數十人如出一口故卒之日京師搢紳君
子皆傷悼枉之古之人有言蓋棺論定百鍊庶幾可以無愧
楊氏於百鍊累世姻婭雖百鍊爲人素於余不相合然不合

者一人之私也所謂傷悼枉之者衆人之公也君子不以私
廢公故爲述其得罪之由爲哀辭使其家刻諸墓蓋曰公於
前尚可信於後也其行之見於墓銘者此不復出哀辭曰
百里之民有耆有老用其醇厚率民于道亦真正言裨輔邑
里遊者何減來者而否邑有視聽蔽其明聰衡從肆厲爲下
斧斨狸以牧鷓狼以牧豚誰實使之於乎匪仁誰實聽之漫
不加省惡者脫畧善者墜弃直者解忿邪者衆說录者以全
剛者以折嗟世之人莫非命焉憎愛廢舉彼胡能然惟命之
然成是邂逅譽毀得喪奚彼之詬嗟嗟百鍊命也奈何宵人
之怡君子之嗟

蔣隱溪輓辭 三首

顧瞻兮堂前卷帷幕兮藉蘭衾陳清醑兮
肥鮮韻悲管兮

切哀絃夢風激兮搗軒雲點黦兮靈來旋恍如睹於形色兮
儼若聆夫笑與言言可聆兮意不傳悵思公兮臨几筵
北風凜凜兮天雨霜木葉脫落兮百草黃翩銘旌兮辭高堂
登靈車兮秀冲岡蒿里歌兮哀以傷玄室一闕兮夜甚長寃
渺渺兮何方螺山崔崔兮螺川湯湯青原與白鷺兮鬱相望
悵思公兮遊故鄉

玉珮兮瓊琚霓衣兮霞裾秉元化兮握靈樞列缺從兮豐隆
趨條陰而陽兮忽卷而舒睨視濁世兮如子渠飄然乘風兮
凌太虛參王喬與韓終兮列仙為徒遊紫微兮帝之都悵思
公兮邈天衢

楚林王先生哀辭有序

楊溥

予游鄉校時湖湘間有若三吾劉先生南廣陳先生以碩學
雅德顯名當時及予出仕皆物故矣每以不及見為憾今觀
楚林王先生行跡乃知其與二先生為同輩重有感焉先生
子愷僉廣西憲司事憲僉之館甥工部虞衡郎中程鑑皆以
廉能名詩書之澤尚存而先輩不可作矣為辭以哀之辭曰
楚山高兮湘水長仰浮嵐兮俯流光可標兮可航懷高人兮
長往獨惆悵而悲傷繫佔畢於鉛槧兮將來志於所獨也出
膺民社兮亦非大賢之路也緬惟前脩孰不欲為伊兮為周
抑有命兮何求嗟彼昧者由顯而河兮較其所獲孰為優兮
望瀟湘兮延佇挹馨香兮蘭浦諒天道之可徵兮尚有觀於
先生兮

楊處士哀辭有序

胡儼

處士諱美字子將姓楊氏元太和州文學韋榮之子翰林待

制諱景行之孫贈富州尹駙都尉弘農郡伯諱復圭之曾孫
其先系出華陰漢太尉震後爲廬陵人處士幼穎敏讀書爲
文超於行輩善事重闡以孝稱處昆弟克盡友愛其最難能
者蹈危履險以葬其叔父雖盜賊兇惡亦感其誠意求之古
人不槩見處士之德善如此然卒遭喪亂蚤世不克竟其所
施誠可哀也既卒之四十有四年其遺孤左春坊左諭德兼
翰林侍講士奇懼潛德弗耀乃以劉禮所撰行述來徵言余
惟存德者必有後而後嗣之賢亦必本其先觀於諭德可
以知處士矣故爲之辭曰

若有人兮好修承華胄兮西州抱德美兮龍潭休王韞積兮
不售華絲衣兮經經親余愛兮樂孔休鹿之鳴兮崇丘嗟子
衿兮我求漸摩兮息游繫我心兮悠悠迎安輿兮山之陬攀

樵枝兮聊淹留何狡童兮黠偷逞不軌兮競戈矛條豕突兮
如孺肆毒噬兮仲叟有吳兮莫投淚浪浪兮曷能收既不余
兮閔憂及繫余兮見雙鷹忽變兮爲祝鳩幸余鑿兮悽悽斂
遺骸兮裳裘閉重泉兮林之藪擷芳兮採菜奉朝夕兮綢繆
慨同氣兮拘浮捐余珮兮是疇念復路兮回翰野闐寂兮將
誰儔對農人兮事鋤耰徒悵望兮西疇歲苒苒兮不我優悲
鷓鴣兮鳴鶴鷗哀人生兮迫適脩短數兮抑又何尤獨令德
兮詒謀鍾厥胤兮遺麻慶澤衍兮聲光流天之報施兮孰云
其幽

吳先生哀辭有序

梁潛

吳先生字孟勤吉之安城人予自幼聞先生名甚熟及來史
館始獲拜先生焉先生雖老色夷氣暢道古今事終日不

倦時方纂集

太祖高皇帝神功聖德簡牘浩繁事有弗得其端者或以質之先生先生手按其書口誦其語出其端緒節自若引瓢而注之聽者如目睹其事蓋先生識見高明非徒能記憶也其於英豪偉傑之士心志謀畧設施後先亦自然符合於乎使先生用於時措之事業當何如也然先生方慕古之廉士其自視甚高不求阿色於時由是遂與世抹撥終身負此自困不改也其爲文章簡質而溫潤操筆立成若不甚經意者旣成讀之雖苦思力構者不過是也史書成得蒙

恩賚授河南開封府學教授蓋

聖上意以是可優老先生孰意先生遂去此長逝不返邪方去時翰林群公合交遊之士以相餞莫不舉觴相屬謂先生

復來固將動色以相候曾幾何時而盍簪牽袂之歡遂爲扼腕傷神之痛於乎悲夫賦之深而未竟其施世固有如先生者豈非命邪先生長子善存謀逆藥而未果今翰林學士解公已爲銘其墓余因悲之以辭曰

崇岡兮峩峩春將暮兮水增波靡蕪綠兮桃始花悵獨望兮天之涯君不復來兮予恫而嗟學之茂兮弘暢承先啓後兮伊誰弗諒彼連駟兮充達獨方輪兮焉之彼挿羽兮薨薨獨戢翼兮噤不以鳴名之光兮行之塞人弗施兮於已焉泪古則然兮今奚惑沐之濱兮河之阻洪濤湯湯兮不可以度羗獨滯此兮不還雲橫天兮地漫漫使我悲兮憂萬端酌清醕兮盈樽陳嘉穀兮藉以孫神來歆兮不可以同吉之水兮孔幽上有叢木兮枝相樛君不懷兮故丘秋霜兮被野曠茫茫

兮宿莽君曷寧兮故宇

大明故左春坊左贊善贈太子少保謚文肅徐公

誄辭有序

金寔

洪武壬午歲寔始來京師天台徐先生好古時方為太學博士與從父傅霖翁同官甚相好故寔得亟見先生引接良厚

永樂二年

仁宗立為皇太子妙簡輔導之官先生由太學入為春坊司直寔時忝以翰林官屬進講經筵獲與先生朝夕同事既而又獲同僚寔嘗視先生為父行而先生謝弗居遇之益親後寔以母憂去官已亥歲復來京師值先生病已篤聞寔至強起衣冠二子掖之坐出酒饌享寔疊疊談別後事爽然若無疾者且曰老夫却粒已期月日唯飲醇酒一爵今日見吾

友當倍之復再舉爵一飲而命二子為寔引滿數行既醉辭去將趨行在先生送之及階執寔手謂曰吾亦當考績計不能北上幸為我謝故人前途宜自重吾與子訣矣因嗚咽泣下寔亦不能仰視明日登舟而先生竟卒時十月二十一日也

仁宗在東宮深悼痛之自製文一再遣官諭祭且將哀其遺文梓以傳甲辰秋即

皇帝位首詔贈先生太子少保謚文肅建祠墓下勅有司

春秋有事復四家丁役以奉祠事嗚呼先生以純粹博雅之學勁正脩潔之行和而不可同謙而不可踰所謂有德有言者矣雖不及柄用以大其施而當儲君毓德之日能以聖賢治心脩身之道引翼取言平光身後之奚負所學哉先

生之仲子衍受辟爲邑校官奉少傅東里先生所撰墓誌示
寔捧而讀之九京莫起益增感慕乃述其行爲辭以誄之曰
天台之山上應列聖俯挹渤澥高杭青冥扶輿孕秀夫子是
承穉齡卓爾弗訛弗傾初游郡庠具曰老成論爲秀士首詔
賓興實華彪炳六館蜚英繁曜麗空忽見夜明萬葩鬪豔勁
松獨貞司成嚴厲衆莫敢褻學徒千數畏若雷霆惴惴揖拜
慄蹈矩繩夫子來覲煥若釋冰開顏霽威如醕解醒實由德
孚孰曰意迎錫符分教士有軌程範鎔來秀若冶剖劔太學
三年釐鹽味經濟濟多士于于在庭悉屏糟粕滛以醇清
儲皇毓德簡畀至精瓊琚玉珮峩冠影纓引翼惟正啓沃惟
誠勞塞多岐示之中行言出則俞有歌斯賡明良值遇宜作
殷肱胡不憇遺溢焉遐征哀訃上聞痛悼奚勝諄復賻遺終

莫罄情迨于踐祚褒贈首膺秩崇師保謚錫嘉名尊挾三者
榮重五更享祠聿建封域載營麗牲有碑玄堂有銘樹之松
檟雜以楸檉歲時有事

帝命使令牲肥酒香醎笋豆登薦裸興頰有赫厥靈玄液下
滋幽光上升裕其孫子以及後生嗚呼夫子孰與抗衡疇昔
好言遼邈九京光風霽月想見儀刑爰述衆美寄之哀聲有
不知者庶幾可徵

裴侍郎哀辭

王直

公裴氏諱璉字汝器監利人初游學郡庠年甚少已嶷然如
巨人長者久之升太學擢知劔州三年陞浙江按察僉事改
江西坐累謫興州

太宗在位召爲北京道監察御史陞河內按察副使又以累

調武清復被薦為廣東道御史

仁宗在東宮雅知之擢春坊中允改大理評事又改刑部主事坐事降易州同知洪熙初圖任舊臣陞工部侍郎改北京行部又坐事去知涪州子綸為翰林編修得推恩及其親公遂棄知州就封以翰林編修文林郎致仕宣德十年三月十三日以疾卒于家年七十二公天資俊爽負奇氣眉目明秀議論英發率嘗傾一座其才敏過人當義而行無顧忌初在劔州州產茶民衣食之而為有勢者所擾公奏請禁止至今民賴其利為僉事在江西鉏惡佑善所至吏畏而民愛之其於賢者維持成就如所親及為御史彈劾不避權勢河南皂軍山寇發公受命往察之還上討捕方略寇遂平階州賊王金剛奴等僭名號聚眾八千餘人勢悍甚又命公往公得其巢穴以計擒之而請釋其餘

上初遣公謂還當大用而用事者嫉公絀其謀間疎之不召見而罷其為侍郎尤侃侃自信故恭朝夕有大臣之體在劔易時興學養士至親為講說賞勤而勸惰諸生多賴以成流風餘澤今尚有存者蓋公之志實然出儕輩故所至有立予之知者如此予所未知者計亦偉特猶是也平生清約自持不苟取妄求仕四十餘年如一日雖累遭譴謫皆非以私過得之故每斥輒復晚節優游以樂終享有盛福此好德之驗也予為諸生時已獲瞻風采其後同朝又克深知公嗚呼今不復見矣則安能已於情哉作哀辭

繫公之生兮秀所鍾儼玉立兮儼儀容才既美兮學則通氣浩然兮縮以充懷奇寶兮夢逢有民社兮奮厥庸與惠利

兮蘇困窮建學校兮師文翁於憲紀兮揚清風矯一鶚兮橫
太空植善柔兮除姦兇履巉巖兮窺崆嶺殄寇難兮銷兵戎
陪鶴駕兮熙事功搖玉璣兮鏘玲瓏副六卿兮位愈隆勤夙
夜兮甚嚴恭涪之治兮安蠶農嬉白叟兮歌黃童詞林清秩
兮 恩所封煥 勅命兮迴鸞龍優游以老兮當時雍頌詩
作兮聲颯颯奄一去兮白雲中混希夷兮超鴻濛望不及兮
心冲冲惟疇昔兮抗高蹤事
聖主兮暨

三宗柔清德兮將無同善其始兮慎其終宜壽考兮齊喬松
胡不憖遺兮天夢夢彼控洞兮愚且蒙乃悠久兮昌而丰欲
往問兮安所從蹇徘徊兮發哀悵思公不見兮

弔陳先生文

五

予嘗至番禺自浮梁山中道經德興父老言前令陳公孟藻
德政爲卓魯民受其惠惜去而亡矣後之爲縣者皆貪刻苛
猛予聞而悲之是時公歿久矣予與公之子敬宗登進士同
官于 朝又得備考公之行誼追悼往昔爲文以遺番人俾
永其思其辭曰

余浮番以遠征兮歷先生之故治遺老泣而告余兮嗟後時
已十祀心悵恍以永懷兮宵耿耿而不寐顧惟此而傍徨兮
嗟若先生豹隱幽壑兮虬潛重溟處困而亨兮藏晦以明志
熙恬愉兮其蘊則宏望之興周兮說逢于殷處此下邑兮不
驟以進維 章與綬兮佩仁履信彼狡之氓兮欺則弗忍澆者
既敦兮裕者益遠嗟哉其此去兮卒莫我返鷗鳥翔翔兮鷹
鷂利吻張呀互赫兮爭饒肆 忿囂曉而群起兮既既且吐登

稔莠以爲饋兮毀棄黍稌衆誰嗷嗷兮
疾餒待哺夫豈不懷先生兮知失父母
故世之所惜兮謂先生內實無疚而其
所悼兮曰年未中壽材宜棟梁兮胡乃
橐朽車可任遠兮輪折而覆道才可以
經濟兮施則未究顏天而冉疾兮人孰
其詬彼或幸其災兮何疾美而夸醜惟
尼父之興歎兮曰善人吾弔觀余故撫
膺而深喟兮獨揮涕以隱憂已矣乎先
生不可見諒達人其大觀兮處順而知
變視有形而終化兮理固宜然彼崆峒
與玄圃兮杳而莫攀彭聃之矯矯兮今
安在焉惟死有所不泯兮斯乃爲貴黔
婁終窶兮柳下惠之薄仕宓子賤之有
譽兮仲卿之有嘉惠旣在古以爲然兮
豈今世之能違故余祛衆惑之慘戚兮
以申先生之思睇列星於冥漢兮雲霧
滃而神馳巫域爲余致處兮招遺靈而
來歸奠桂酒與椒漿兮重慨想於昔時
中鬱抑而坎坎兮乃斐然而陳辭庶百
世之下兮惟先生之是思

哀劉兩溪辭有存

周叙

余以使命道湘川悲屈賈之懷忠齋志以歿用效其人之聲
各爲辭弔之使歸便道過家上冢瞻望安成有懷故人劉兩
溪欲絮酒致奠迫於王程不能得停雲延佇沾灑者久之兩
溪之事祝屈尤深足悲者時當承平

主上恭勤與民休息第蔽於權幸政務乖張災異數見兩溪
侍講經筵感激奮發因事指陳光明正大遂忤權幸設他事
下之獄黨惡者順旨拷掠體無完膚挺然無一異詞唯呼天
自明越數日竟就斧殞極刑秉屈三閭之精忠罹顏常山之
荼毒於乎慘哉兩溪平生孝友篤至於朋友急信義教人盡

誠懇居常侃侃以古人自期成春秋之學自李行簡先生
後紹而大之者兩溪也其在經筵每遇撰進講章非堯舜三
王之道不陳至於麟經尊王黜霸內夏外夷之辨尤深致意
真得講臣體使不遭酷禍所成就可量乎哉於乎悲夫兩溪
余平生同志友也情見乎辭有不能已用寫哀些三章向風
焚以招之且鋒藁秘而藏諸篋笥他日兩家子孫得而開讀
之庶知兩溪之忠與余之悲兩溪諱球字求樂一字廷振兩
溪者其弟子尊稱之詞世家安成茨溪後徙家之葛溪余則
周姓敘其名功敘其字石溪其號也辭曰
瞻雲山兮安成西懷故人兮我心惋悽虎豹晝號兮鷓鴣夜
啼陰風悲慘兮毒霧冥迷欲往格之兮睇艱險而無蹊天茫
茫兮至道朕名昭昭兮日月齊於乎歔歔兮懷哉兩溪

瞻雲山兮薊城北懷故人兮我心哀惻天門晝關兮虎衛阨
塞蛇虺縱橫兮夔龍斂迹欲訴帝之無由兮道遭迴而屏息
魂恍恍兮渺何極淚淋淋兮氣填臆懷哉兩溪兮冤誰與白
瞻雲山兮湘水幽緬懷古之人兮我心增憂古人今人兮我
何尤摠忠滅身兮異世同猷哀莫哀兮沈清流慘莫慘兮魄
野投死生一視兮如彼浮漚千秋萬古兮屈劉匹休

大傳安國孫恭憲公誄

劉定之

維昔太公生周邑姜婦文嬪武孕成啓康受封于齊今幾千
禩維安國公復起齊地篤生

聖后配我

宣宗以母

皇上迺登三公維公之德以敬為主曾益丹書厥名迺取維

皇明文衡卷之九十六
公之爵自伯而侯進號大邦 寵祿優優維公之壽踰八望
九玉蟬金貂輝映白首壽爵及德與太公同亦葬于京靈旒
不東內相期頤後昆繩蟄五千十孫殆過呂伋
皇家萬年誰與齊休曰伯叔舅異姓元侯

皇明文衡卷之九十六





